

**ODLUKU
O ODOBRAVANJU IZDVAJANJA SREDSTAVA IZ
TEKUĆE REZERVE BUDŽETA OPĆINE NOVO
SARAJEVO ZA 2007. GODINU, NA IME
JEDNOKRATNE POMOĆI SEVDI ĐOZO, SUPRUZI
UMRLOG JUSUFA ĐOZE, UPOSLENIKA OPĆINE
NOVO SARAJEVO**

Član 1.

Iz Budžeta Općine Novo Sarajevo za 2007. godinu ("Službene novine Kantona Sarajevo", broj 11/07) odobrava se izdvajanje sredstava sa razdjela IV -Tekuće rezerve, u iznosu od 4.400,00 (četirihiljadečetiristotine) KM na ime jednokratne

pomoći Sevdin Đozo, u cilju rješavanja teške materijalne situacije nastale usljed smrti supruga, umrlog Đozo Jusufa, uposlenika Općine Novo Sarajevo.

Član 2.

Za realizaciju ove Odluke zadužuje se načelnik Općine.

Član 3.

Ova Odluka stupa na snagu narednog dana od dana objavljivanja u "Službenim novinama Kantona Sarajevo".

Broj 01-14-2253/07
3. oktobra 2007. godine
Sarajevo

Predsjedavajući
Općinskog vijeća
Novo Sarajevo
Nebojša Simić, s. r.

OPĆINA STARI GRAD

Općinski načelnik

Na osnovu člana 46. Zakona o prostornom uređenju Kantona Sarajevo ("Službene novine Kantona Sarajevo", broj 7/05) i člana 36. Statuta Općine Stari Grad Sarajevo ("Službene novine Kantona Sarajevo", broj 10/98, 17/99 i 12/04), načelnik Općine Stari Grad Sarajevo, verifikovao je i donio

**ODLUKU
O KOREKCIJI REGULACIONOG PLANA
"BAŠČARŠIJA"**

Član 1.

Usvaja se korekcija Regulacionog plana "Baščaršija" (u daljnjem tekstu: korekcija Plana).

Član 2.

Korekcijom Plana utvrđuje se građevinska parcela za izgradnju poslovne zgrade Rijaseta Islamske zajednice u BiH na zemljištu koje je označeno kao k.č. br. 171 k.o. Sarajevo I (novi premjer), što odgovara zemljištu označenom kao k.č. br.3, upisano u z.k.ul.br. XCVII k.o. Sarajevo (stari premjer).

Osnovni urbanistički parametri: građevinska i regulaciona linija, spratnost i kolski pristup su naznačeni i definisani na grafičkom prilogu Regulacionog plana Sanacija konzervacija, restauracija i revitalizacija Sarajevske čaršije - Arh.urb. dispozicija novoprojektovanih i restauriranih objekata.

Arhitektonsko oblikovanje objekata i primjena materijala mora biti usaglašena sa članovima 4. i 5. Odluke o usvajanju Regulacionog plana "Baščaršija" ("Službene novine Grada Sarajeva", broj 19/75).

Član 3.

Korekcija Plana sastoji se iz tekstualnog dijela i grafičkog priloga sa prikazom građevinske parcele koja je predmet korekcije.

Tekstualni dio i grafički prilog korekcije Plana su sastavni dio Regulacionog plana "Baščaršija" ("Službene novine Grada Sarajeva", broj 19/75).

Član 4.

Po jedan primjerak ovjerene korekcije Plana (tekstualni dio i grafički prilog) nalazi se na stalnom javnom uvidu i čuva se u Službi dokumentacije Općine Stari Grad Sarajevo, Zavoda za planiranje razvoja Kantona Sarajevo i Ministarstva prostornog uređenja i komunalnih poslova Kantona Sarajevo.

Član 5.

Ova Odluka stupa na snagu danom donošenja i bit će naknadno objavljena u "Službenim novinama Kantona Sarajevo".

Broj 01-05-12-1485/07
2. oktobra 2007. godine
Sarajevo

Načelnik Općine
Stari Grad Sarajevo
Mustafa Resić, s. r.

**KOREKCIJA
REGULACIONOG PLANA "BAŠČARŠIJA"**

UVOD

Regulacioni plan "Baščaršija" je usvojen i objavljen u "Službenim novinama Grada Sarajeva", broj 19/75.

U skladu sa odredbama člana 46. Zakona o prostornom uređenju ("Službene novine Kantona Sarajevo", broj 7/05), načelnik Općine Stari Grad je pokrenuo inicijativu za korekciju Regulacionog plana "Baščaršija".

REGULACIONI PLAN "BAŠČARŠIJA"

Važećim provedbenim dokumentom Regulacioni plan "Baščaršija", utvrđuju se uslovi za sanaciju, konzervaciju, restauraciju, revitalizaciju, građenje, redovno održavanje, uvođenje u život i način korištenja Baščaršije u cjelini i u njenim pojedinim dijelovima i objektima sa ciljem da se Baščaršija kao istorijsko urbana sredina sačuva u što izvornijem istorijsko-arhitektonsko-urbanom obliku i da to područje kao spomenički ambijent i dio napredne čovjekove sredine služi zadovoljenju naučnih, kulturnih, privrednih, rekreacionih i turističkih interesa građana i društvene zajednice.

**KOREKCIJA REGULACIONOG PLANA
"BAŠČARŠIJA"**

Korekcija plana rađena je u cilju izgradnje Poslovne zgrade Rijaseta Islamske zajednice u Bosni i Hercegovini na zemljištu u vlasništvu, a koje je označeno kao k.č. br. 171 KO Sarajevo I (novi premjer), što odgovara zemljištu označenom kao k.č. br.3, upisano u z.k.ul.br. XCVII KO Sarajevo (stari premjer).

Prostor za koji je urađena korekcija Plana definisan građevinskom parcelom, regulacionom i građevinskom linijom i maksimalnom spratnošću na kojoj će se graditi predmetni objekat.

Saobraćajnim rješenjem građevinska linija u jugozapadnom dijelu građevinske parcele je definisana trasom planirane primarne gradske saobraćajnice, koja je ispod nivoa terena (tunel) i za koju je urađen Glavni projekat čije rješenje ne dozvoljava izgradnju objekata u naznačenom koridoru. Isto tako građevinska linija u sjeverozapadnom dijelu definisana je planiranim prostorom za stajalište javnog gradskog prijevoza (kombibus) kao zamjena za terminus koji je danas u funkciji.

Osnovni urbanistički parametri građevinska i regulaciona linija, spratnost i kolski pristup su naznačeni i definisani na grafičkom prilogu Regulacionog plana Sanacija konzervacija, restauracija i revitalizacija Sarajevske čaršije - Arh urb. dispozicija novoprojektovanih i restauriranih objekata.



